

Sarajevo, 29.08.2022. godine

Univerzitet u Sarajevu
Organizacionim jedinicama
n/r dekana organizacionih jedinica



Predmet: Mogućnost odlaska studenata i studentica Univerziteta u Zaostrog

Poštovani/poštovana dekane/dekaneso,

obraćam Vam iz uloge rukovoditeljice Ureda za podršku studentima Univerziteta u Sarajevu. Univerzitet u Sarajevu kroz djelovanje Ureda za podršku studentima pruža pomoć i podršku studentima i studenticama u različitim oblastima. Osnovna djelatna orijentacija Ureda je usmjerena ka pomoći i podršci pri odabiru studija, unapređenju pristupa obrazovanju, povećanju inkluzivnosti na tercijarnom nivou obrazovanja, osiguranju uvjeta za zadovoljavanje potreba i uživanje, psihološku pomoć, informiranje i obrazovanje studenata i studentica, poboljšanju iskustva studiranja studenata i studentica s invaliditetom, istraživačkim aktivnostima, organizaciji i realizaciji obuka za nastavno i nenastavno osoblje, učešću u donošenju i izmjenama zakonskih i podzakonskih akata u oblasti obrazovanja, itd. Kako bi bili postignuti postavljeni opći i specifični ciljevi, te odgovorilo na potrebe studenata i studentica, Ured priprema i realizira različite projektne i druge aktivnosti.

Jedan od projekata, u kojem Ured za podršku studentima Univerziteta u Sarajevu sudjeluje kroz posredovanje, jeste odlazak studenata i studentica u sportski centar u Zaostrogu, koji je vlasništvo Kantona Sarajevo. Ova aktivnost se realizira uz pomoć i podršku Ministarstva za nauku, visoko obrazovanje i mlade Kantona Sarajevo i Rektorata Univerziteta u Sarajevu. Studenti su, do sada, bili u Zaostrogu u maju i julu tekuće godine, po sedam dana, a osiguran je smještaj u dvokrevetnim, trokrevetnim i četverokrevetnim sobama na bazi polupansiona. Ovaj način rehabilitacije je izuzetno koristan. Fokus je na studentima i studenticama s invaliditetom, ali i drugi studenti i studentice, kojima je ova vrsta podrške korisna, su pozvani da budu dijelom ovog projekta. U skladu sa potrebom, studenti i studentice mogu imati pratnju odrasle osobe (roditelja, brata, sestre, prijatelja/prijateljice, kolege/kolegice i slično). Studenti/studentice i njihova pratnja organiziraju i plaćaju prevoz do Zaostroga. Dosadašnje iskustvo studenata i studentica je izuzetno pozitivno.


U septembru 2022. godine studentima i studenticama se nude dva (2) termina za odlazak u Zaostrog:

- od 11.09. do 18.09.2022. godine i
- od 18.09. do 25.09.2022. godine.

Cijeneći Vašu poziciju dekana/dekanese organizacione jedinice Univerziteta, molimo da pozovete studente i studentice, u skladu sa gore navedenim, da se jave na e-mail Ureda: ured@unsa.ba, ukoliko su zainteresirani za navedenu aktivnost, najkasnije 07.09. do 15:00 za prvi termin i 14.09.2022. godine do 15:00 za drugi termin. Hvala za dosadašnju saradnju i zajedničke napore da visoko obrazovanje i društvo u cjelini budu kvalitetniji.

S poštovanjem,

Rukovoditeljica Ureda za podršku studentima


Prof. dr. Lejla Kafedžić